

四庫全書

史部

欽定四庫全書

欽定八旗通志卷二百十一

人物志九十一

忠義傳三

滿洲八旗三
順治元年至八年共七十四人

昂錦

昂錦滿洲鑲黃旗人姓傅察氏世居訥音天聰八年隨大兵征大同攻王家莊先登有功授雲騎尉崇德元年五月同俄屯往征瓦爾喀部落克之獲

男婦並牲畜無算又同副都統阿拉善設伏擊敗
明寧遠兵順治元年十月隨揚威將軍豫親王多
鐸南征破流賊平定河南江南十二月至潼關流
賊率兵自山上來犯昂錦奮力迎擊中箭死之三
年議卹

恩賜騎都尉兼一雲騎尉世職

永樂詳見
世職表

哈爾漢

哈爾漢滿洲鑲黃旗人姓佟佳氏世居佳喀地方

崇德六年隨大兵圍明錦州其騎兵方來犯我紅
衣墩營同叅領旦代擊敗之順治元年隨大兵入
山海關同葉克舒擊敗流賊馬步兵旋從靖遠大
將軍和碩英親王阿濟格追至延安府率甲士四
十人駐南山賊率馬步兵來犯力戰以創重死

恩賜騎都尉世職

永樂詳見
世職表

多頗羅

多頗羅滿洲鑲黃旗人姓瓜勒佳氏二等輕車都

尉索海之子任佐領順治元年從入山海關同叅領傲德步戰破流賊追至望都以功進騎都尉世職七年九年三遇

恩詔加至二等輕車都尉又叙其祖費英東扎爾固齊之功加為一等輕車都尉仕至副都統陣亡

覺羅登什科

覺羅登什科滿洲鑲黃旗人官散秩大臣順治二年奉

命統兵征流寇至天沙山遇賊衝擊歷晝夜不挫遂拔其
營尋遇伏中鎗歿

恩賜一等男世職

承襲詳見
封爵表

瑚密普

瑚密普滿洲鑲黃旗人姓佟佳氏世居加哈地方
初任佐領駐防於天瑞山崇德三年從武英郡王
阿濟格征明率四旗前鋒屢擊敗於昌平又率八
旗前鋒略遵化偵蘆溝橋俱報捷焉九月從和碩

睿親王多爾袞攻松山擊敗祖大壽步兵七百四
年同納海等略杏山時有陷於陣者援之出以累

功

恩授騎都尉七年十月從大將軍阿巴泰攻豐潤擊敗范
軍門兵八年進攻青州同鄂碩為前驅擊敗趙軍
門兵復擊明將司馬猷兵至渾河造橋以渡范軍
門復同吳總兵率兵躡我後又敗之順治元年從
和碩睿親王多爾袞率師至山海關擊流賊又從

和碩英親王阿濟格由安肅至望都斬賊步兵幾
藏焉瑚密畵力戰輒為前哨功最著加授一雲騎
尉愈知感激爭効前驅從和碩豫親王多鐸破流
賊於潼關時我兵據山頭賊設伏連敗之三年五
月從平南大將軍多羅貝勒勒克德渾征明唐王
朱雲釗六月至浙江擊偽大學士馬士英於杭州
生擒總兵一人復擊偽總兵方國安於錢塘中烏
鎗歿於陣議卹

恩賜二等輕車都尉世職

承襲詳見
世職表

拖紐

拖紐滿洲鑲黃旗人姓富察氏世居訥殷江地方
襲騎都尉世職崇德三年隨揚威大將軍多羅貝
勒岳託征明同舒恕敗馬總兵軍至渾河為橋以
渡明兵來躡我後拖紐隨副都統訥爾特擊敗之
後出關殿後敵兵來追復帥本旗兵敗之順治元
年從大兵入山海關擊流賊中礮陣亡

恩賜雲騎尉世職

承襲詳見
世職表

古郎阿

古郎阿滿洲鑲黃旗人姓李佳氏世居李佳和羅
地方順治二年以護軍校從和碩英親王阿濟格
征流賊至延安府賊兵來犯隨護軍統領希爾根
擊敗之進圍承天府連敗賊衆獲戰艘無算三年
從靖遠大將軍和碩肅親王豪格征四川流賊十
一月至三峽山隨希爾根擊敗賊將高汝礪兵賊

渠張猷忠率全師迎戰我師同胡里布擊敗其衆
又遇賊兵馬三路來犯率本叅領兵奮勇進擊中
流矢陣亡

恩賜雲騎尉世職

承襲詳見
世職表

達蘇

達蘇滿洲鑲黃旗人累功署前鋒統領順治三年
五月蘇尼特部落騰機思等叛奔喀爾喀達蘇隨
定國將軍和碩豫親王多鐸往征之偵知騰機思

方抵滾葛樓台地方，歷三晝夜追及之，大敗其衆，乘勝追勦，戰歿於陣。

賜卹如例

覺羅顧納岱

覺羅顧納岱，滿洲錄黃旗人。父拜三，自有傳。顧納岱初襲父三等男職。崇德三年，從征明，敗明兵於山海關，入關，又擊敗之。託特退塔納哈布爾沙海，及明兵戰，豐潤不利。顧納岱援之，擊敗敵衆，整衆。

歸至山東攻克博平縣論功加世職為一等男順
治元年從和碩睿親王多爾袞入山海關同尚書
聶阿岱擊流賊敗之二年叙功加一雲騎尉十月
從大兵破流賊平定河南又隨都統公圖賴進戰
有功流賊每乘夜來犯我營顧納岱並擊敗之二
年隨多羅貝勒博洛往征杭州同前鋒統領鄂碩
追擊賊舟師於平湖獲船二十五艘至嘉興府敵
兵三千餘水陸來戰同都統韓岱擊敗之獲船三

十三艘又同都統韓岱恩格圖敦對擊賊兵敗之
又敗賊於嘉興府又敗賊於蘇州府王岡村又同
都統恩格圖馬喇希攻崑山縣克之偽總兵駐軍
平湖縣顧納岱同宜爾都奇偏我霸朗破其營又
擊賊舟師於蕪湖獲船三十一艘大兵攻江陰顧
納岱率兵先登克之三年叙功加世職為三等子
是年隨和碩豫親王多鐸征蘇尼特追騰機思擊
敗土謝圖汗兵又擊敗碩羅汗兵五年從征江西

叛鎮金聲桓至九江府擊賊兵三千餘敗之隨征
南大將軍譚泰進攻南昌府中礮陣亡加

恩賜

一等子世職

承襲詳見
封爵表

陽靄

陽靄滿洲鑲黃旗人姓李佳氏世居扎庫木地方
順治六年七月從征西大將軍多羅謙郡王瓦克
達征大同叛鎮姜瓖八月攻朔州越衆登城戰歿
於陣

恩賜騎都尉世職

承襲詳見世職表

薩哈達

薩哈達滿洲鑲黃旗人姓佟佳氏世居巴爾達地方順治六年正月以護軍叅領從平西大將軍和碩英親王阿濟格征大同叛鎮姜瓖三月聞賊渠郭芳劉遷攻代州薩哈達率兵往援力戰歿於陣

恩賜雲騎尉世職

承襲詳見世職表

費揚柱

費揚柱滿洲正黃旗人世居寧古塔地方以地為
姓崇德三年從貝勒杜度証明至山東用雲梯攻
東昌府夏津縣城先登克之叙功授為半個前程
順治初駐防東昌府統兵勦土賊中烏鎗卒

恩賜佐領世職

承襲詳見
旗分志

阿喇穆

阿喇穆滿洲正黃旗人姓瓜勒佳氏世居蘇完地
方初任驍騎校陞佐領往招阿蘇墨爾根降其二

十人而歸又從大兵轉戰商顏哈達松山察哈爾
寧遠等處身被重傷屢瀕於死得功牌馬匹銀兩
等物順治元年隨和碩睿親王多爾袞追勦流寇
力戰陣亡

恩賜雲騎尉世職

承襲詳見
世職表

劄圖

劄圖滿洲正黃旗人姓他塔喇氏世居察哈爾地
方初管佐領大兵圍錦州時奮擊明經畧洪承疇

兵敗之後圍松山掘城壕城內兵夜遁劄圖追擊
克其城凡前後突圍出者四順治元年隨和碩睿
親王多爾袞入山海關破流賊兵二十萬乘勝追
至望都縣同宜爾格德與賊對陣奮擊又敗之以
功授騎都尉順治二年病卒以子班璣襲後因無
嗣於乾隆十三年奉

旨入祀昭忠祠

瓦顏住

瓦顏住滿洲正黃旗人姓寧古塔氏世居胡爾海
崇德三年從多羅貝勒杜度征明至山東攻夏津
城先登克之授佐領順治二年隨副都統圖占駐
防東昌府擊土賊陣亡

恩賜騎都尉世職

承襲詳見
世職表

蜚雅柱

蜚雅柱滿洲正黃旗人姓寧古塔氏世居虎爾哈
地方崇德三年從多羅貝勒杜度征明至山東用

雲梯攻東昌府夏津縣以第二人登城克之叙功
授雲騎尉順治二年駐防東昌府統兵討土賊中
鎗歿

恩賜騎都尉世職

承襲詳見
世職表

偏珠

偏珠滿洲正黃旗人崇德三年從多羅貝勒杜度
征明至山東用雲梯攻夏津城克之四年叙功授
佐領順治二年隨副都統圖占駐防東昌府擊土

賊陣亡

恩賜騎都尉兄渾珠襲遇

恩詔加輕車都尉世職

承襲詳見
世職表

布爾賽

布爾賽滿洲正黃旗人姓伊爾根覺羅氏世居長
白山地方任驍騎校順治元年隨大兵入山海關
在昌平州追流寇戰亡

恩賜雲騎尉世職

承襲詳見
世職表

瑚紐

瑚紐滿洲正黃旗人姓扎庫塔氏世居瓦爾喀地方崇德三年隨多羅貝勒岳託攻定興縣城先登賜號巴圖魯授騎都尉世職順治二年流賊一隻虎圍荊州瑚紐率兵擊敗之三年隨副都統覺善平山東土寇由清河至恩縣及成安縣連敗之賊又率衆萬餘攻平陰縣力戰歿於陣

恩賜騎都尉兼一雲騎尉世職

承襲詳見世職表

索寧

索寧滿洲正黃旗人姓他塔喇氏其先係察哈爾
蒙古從恩格德禮額駙來歸隨征黑龍江擊敗奔
波果兒兵崇德八年從多羅貝勒阿巴泰征明至
山東攻萊蕪縣先登克之

賜名巴圖魯授騎都尉加一雲騎尉世職順治六年正月
隨平西大將軍和碩英親王阿濟格征山西叛鎮
姜瓖八月攻大同渾源州力戰陣亡

恩賜三等輕車都尉世職

承襲詳見世職表

能額

能額滿洲正黃旗人姓赫舍里氏世居葉赫地方
任前鋒校順治六年正月以前鋒侍衛委署叅領
隨平西大將軍和碩英親王阿濟格征大同叛鎮
姜瓖八月攻渾源州先衆登城戰歿

恩賜雲騎尉世職

承襲詳見世職表

巴岱

巴岱滿洲正黃旗人世居完顏以地為氏順治元年以佐領從大兵入山海關勦流寇有功六年隨定西將軍和碩敬謹親王尼堪征山西叛鎮姜瓖戰於大同陣亡

恩賜騎都尉世職

承襲詳見世職表

那爾泰

那爾泰滿洲正黃旗人本姓溫徹亨氏後

賜姓為吳魯氏世居葉赫地方初從征有功任雲騎尉順

治六年正月從定西大將軍和碩敬謹親王尼堪
征山西叛鎮姜瓖八月攻大同戰歿二子葛達渾
那什庫亦在行間見父歿奮勇力戰並歿於陣

賞卹如例

麥圖

麥圖滿洲正黃旗人姓瓜勒佳氏世居蘇完地方
任輕車都尉順治六年隨將軍譚泰出征至岔路
口遇賊力戰歿於陣孫揚代襲後緣事革職以其

子馬兵黑格食雲騎尉半俸

阿拉密

阿拉密滿洲正黃旗人姓舒穆祿氏世居庫爾喀
地方襲父那木泰一等輕車都尉世職順治七年
偽秦王孫可望據滇黔為寇九年大兵出湖南阿
拉密從征至衡州與可望遇於岔路口率所部奮
勇前進可望大敗遁走貴陽阿拉密以負傷卒于
軍

恩贈三等男世職

承襲詳見封爵表

岱穆

岱穆滿洲正黃旗人姓納喇氏葉赫東城貝勒之族也任二等侍衛順治八年隨征福建海賊鄭成功在廈門力戰陣亡

恩賜雲騎尉世職

承襲詳見世職表

巴杜

巴杜滿洲正白旗人姓董鄂氏世居董鄂地方順

治元年由護軍叅領從大兵征流賊至綏德州遇賊馬步兵擊敗之抵延安府復擊敗賊衆後追殺賊首一隻虎至湖廣乘舟夜戰奪船十五隻旋同護軍統領蘇拜擊賊李自成三千餘衆又於岳州所屬地方同大兵擊賊萬餘至江西南昌府賊率馬步兵二萬餘衆拒戰列紅衣敵屢擊敗之賊首金聲桓王得仁等統賊兵七萬拒敵進攻破之福州被圍已杜往援有賊千餘據河岸截戰率左翼

兵敗之後又擊賊於江中殺偽總兵官及偽都司等獲船二十餘隻羅源縣被圍率兵往救力戰陣亡由

恩詔所加二等輕車都尉加贈一等輕車都尉又一雲騎

尉世職

承襲詳見世職表

格布庫

格布庫滿洲正白旗人姓伊爾根覺羅氏世居扎庫木地方順治元年以護軍叅領從和碩睿親王

多爾袞入山海關擊流賊連敗之於望都縣二年
叙功授佐領世職三年隨靖遠大將軍和碩肅親
王豪格征四川擊賊張獻忠十一月賊悉衆困我
兵格布庫隨護軍統領蘇拜阿爾津噶達渾整軍
往援中箭歿五年

恩賜騎都尉加一雲騎尉世職

承襲詳見
世職表

嘉龍阿

嘉龍阿滿洲正白旗人姓瓜勒佳氏世居蘇完地

方順治元年十月以騎都尉世職從定遠大將軍和碩英親王阿濟格征流賊次年陝西延安府與賊力戰陣亡

恩賜三等輕車都尉世職

承襲詳見世職表

岱納

岱納滿洲正白旗人姓巴雅拉氏世居長白山地方屢從征伐有功順治二年從定國大將軍和碩豫親王多鐸南征四月攻揚州府城奮勇先登中

傷陣亡

恩賜騎都尉世職

承襲詳見
世職表

色爾敏

色爾敏滿洲正白旗人順治元年以護軍校隨定
國大將軍和碩豫親王多鐸平定河南江南有功
三年隨平南大將軍順承郡王勒克德渾征湖廣
八月攻武岡寨戰歿於陣

恩賜雲騎尉世職

承襲詳見
世職表

羅多禮

羅多禮滿洲正白旗人姓佟佳氏世居馬察地方
初以閑散從征有功順治元年隨和碩豫親王多
鐸南征擊潼關流寇同叅領勞希當奇理大敗賊
衆至夜賊犯我營復擊敗之又同賴塔擊破流賊
步兵營叙功

恩授雲騎尉二年至河南同蘇爾泰取高淳縣大敗敵兵
三年二月隨多羅貝勒博洛征福建至延平府同

弼雅達擊賊破之六年正月從定西大將軍和碩
敬謹親王尼堪征山西叛鎮姜瓖八月圍大同中

鎗陣亡

恩賜騎都尉世職

承襲詳見
世職表

干泰

干泰滿洲正白旗人姓瓜勒佳氏世居虎爾哈順
治二年隨大兵南征至揚子江遇賊船先登被重
傷克之三年隨平南將軍勒克德渾招降流寇於

荊州五年隨英親王阿濟格征山東至曹縣擊土

賊歿于陣

恩賜雲騎尉世職

承襲詳見
世職表

白

白滿洲正白旗人姓佟佳氏以軍功歷任副都統
兼吏部侍郎同索海征瓦爾喀路適我師失利白
與譚布力戰乃敗之師還索海奏曰微副都統譚
布及白軍士幾無孑遺即臣亦不免

太宗文皇帝乃治別將之罪而白與譚布各授雲騎尉順

治元年十一月從豫親王多鐸南征平定河南江南並有功六年攻大同叛鎮姜瓖力戰陣亡加騎

都尉世職

承襲詳見世職表

干他哈

干他哈滿洲正白旗人姓瓜勒佳氏世居虎爾哈地方崇德八年以委署護軍叅領從多羅貝勒阿巴泰征明擊敗吳總兵兵順治元年隨和碩英親

王阿濟格擊流賊至綏德州敗之二年追流賊至
湖廣武昌府偽田侯劉侯統兵四千來戰同蘇達
克之追至九公山悉破其營五年九月隨定遠大
將軍和碩鄭親王濟爾哈朗征湖廣流賊李錦十
月統兵至山東聞賊據曹縣遂移師往勦于他哈
奮勇擊賊中敵而歿八年

恩賜雲騎尉世職

永聚詳見
世職表

哈寧阿

哈寧阿滿洲正紅旗人姓他塔喇氏世居安褚拉庫地方崇德五年以叅領從大兵征明圍錦州偕副都統李什哈沙蘇哈夜攻闕角大破之敵兵復自松山來犯復率所部擊却之敵分兵三隊來援復同敦拜分擊並敗之六年再圍錦州敵兵自松山來襲紅衣礮哈寧阿擊却之又同護軍統領羅壁副都統安達禮防守木魯河敵人自錦州城引兵出犯哈寧阿奮勇直入大破之追殺無算八年

從征黑龍江圍努勒噶兒邨三日下其城獲壯丁九十人順治元年從和碩睿親王多爾袞入山海關破流賊追殺至望都縣二年叙功

恩賜騎都尉世職往追流賊擊戰失路身亡以其子韓儲翰襲陣亡自有傳

鄂哈

鄂哈滿洲正紅旗人順治元年以四等侍衛從和碩睿親王多爾袞入山海關擊流賊李自成戰歿

康熙二十年追贈護軍叅領

五納哈賴

五納哈賴滿洲正紅旗人姓佟佳氏世居長白山地方崇德五年以護軍叅領從征明克錦州圍松山城敵人夜侵營偕副都統季什哈往援步戰却敵順治元年四月從和碩睿親王多爾袞入山海關擊敗流寇追至望都盡殲其衆十一月從征潼關設伏擊流寇破其兩營二年征江南攻敵營於

江寧奉

旨叙功加騎都尉世職六月隨多羅貝勒博洛征杭州獲
敵舟敗之旋遇偽苗總兵自海寧來犯即同格巴
庫擊敗之乘勝攻江陰賊環攻之中礮而歿三年
議卹

恩賜三等輕車都尉世職

承襲詳見
世職表

色勒布

色勒布滿洲正紅旗人姓兀扎喇氏世居虎爾哈

地方初襲父薩鈕騎都尉世職於順治元年從和碩豫親王多鐸南征擊流寇於潼關屢敗其衆二年隨多羅貝勒博洛至江南有土寇圍溧陽隨都統公圖賴擊破之旋守瓜州賊來犯率本旗兵却之尋攻江陰中礮歿三年加

恩賜三等輕車都尉世職

承襲詳見世職表

西來

西來滿洲正紅旗人姓赫舍里氏世居和多穆哈

連地方由驍騎校於順治二年從大兵破流賊滅
福王平定河南江南等處屢著戰功攻嘉興府城
奮勇先登旋取崑山縣城歿於陣

恩賜雲騎尉世職

承襲詳見
世職表

達魯哈

達魯哈滿洲正紅旗人姓他塔喇氏世居安褚拉
庫地方順治元年以閑散從征流寇擊賊帥袁祥
及王律等屢著戰功二年隨多羅貝勒博洛至江

南攻江陰縣中礮陣亡五年議卹

恩賜雲騎尉世職

承襲詳見世職表

諸翰

諸翰滿洲正紅旗人姓他塔喇氏世居安褚拉庫
地方父哈寧阿陣亡自有傳順治三年五月以佐
領隨揚威大將軍和碩豫親王多鐸追蘇尼特部
落騰機思至扎濟布喇克地方進擊土謝圖汗兵
被創歿於軍議卹

恩賜騎都尉合伊父職為三等輕車都尉世職

承襲詳見世職表

巴揚阿

巴揚阿滿洲正紅旗人姓宜特墨氏世居葉赫地方順治二年以護軍校從征流賊於陝西延安府追擊至湖廣承天府又隨和碩額駙都統杜雷於江西九江口奪賊舟追偽劉侯兵連敗之三年從靖遠大將軍和碩肅親王豪格征四川十一月至西充縣擊賊渠張獻忠力戰陣亡

恩賜雲騎尉世職

承襲詳見
世職表

布達理

布達理滿洲正紅旗人姓赫舍里氏世居和多穆
哈連地方由護軍叅領於順治元年從大兵過北
京征山東破流賊滅福王平定河南江南等處俱
有戰功授雲騎尉遇

恩詔授騎都尉又追騰機思率前鋒敗之五年從征江西
叛鎮金聲桓攻南昌歿於陣

恩賜一雲騎尉世職

承襲詳見世職表

覺羅鄂赫

覺羅鄂赫滿洲正紅旗人順治六年正月以護軍

叅領隨都統噶達洪往平西大將軍和碩英親王

阿濟格軍營協征叛鎮姜瓖八月攻大同渾源州

力戰陣亡

恩賜雲騎尉世職

承襲詳見世職表

納岱

納岱滿洲鑲白旗人姓碧魯氏世居葉赫地方順
治八年以二等侍衛兼副叅領隨將軍多爾根出
征至福建與海賊鄭成功戰於廈門陣亡

恩賜雲騎尉世職

永聚詳見
世職表

葉喜

葉喜滿洲鑲白旗人姓郭絡羅氏世居沾河地方
富拉克塔之同祖兄也初襲父布哈圖佐領職任
護軍叅領崇德三年從擊吳三桂兵敗之圍錦州

連敗松山馬步兵順治元年隨英親王阿濟格追
流賊擊走延安城賊衆圍承天府獲船四隻同護
軍統領哈寧阿由大江追至富池口獲其船并擊
散其岸上馬步兵三年從揚威大將軍豫親王多
鐸追騰機思瞭見博爾哈圖山敵衆隨貝子博和
託進擊斬七人招降喀爾喀台吉二十五戶旋與
土謝圖汗兵博戰歿於陣贈護軍統領四年三月

恩賜騎都尉世職

承襲詳見
世職表

阿爾都

阿爾都滿洲鑲白旗人姓瓜勒佳氏世居瓦爾喀
地方崇德三年隨揚威大將軍貝勒岳託征明攻
獻縣以第二人登城有功順治五年從征江西叛
鎮金聲桓攻南昌先登戰歿

恩賜騎都尉世職

承襲詳見
世職表

薩蘇喀

薩蘇喀滿洲鑲紅旗人姓吳扎庫氏世居嘎哈里

地方初從征明廣寧至沙嶺陷陣有功天聰三年
從征北京為前鋒五年從征大凌河八年往畧明
前屯衛俱多所斬獲九年隨多羅貝勒多爾袞招
撫林丹汗子額哲我兵出邊追殺敗兵無算叙功
授雲騎尉崇德五年從征明圍錦州六年進圍松
山八年從征寧遠皆擊敵有功順治元年隨和碩
睿親王多爾袞入山海關擊流賊同副都統和陀
直入賊陣中斃歿

恩賜三等輕車都尉世職

承襲詳見
世職表

朔馬

朔馬滿洲鑲紅旗人姓瓜勒佳氏世居哈達地方
順治元年以護軍校委署叅領隨靖遠大將軍和
碩英親王阿濟格征流賊至延安府擊賊歿於陣
賞銀二百兩

察馬海

察馬海滿洲鑲紅旗人世居完顏地方以地為氏

原任前鋒侍衛順治元年隨大兵入山海關擊流
賊偽總兵唐通兵追至望都縣敗之領步兵勦流
賊同布爾孫數敗之旋隨靖遠大將軍和碩英親
王阿濟格追流賊至延安府賊兵出犯正白旗汛
地察馬海援之歿于陣

恩賜雲騎尉世職

永槩詳見
世職表

馬納海

馬納海滿洲鑲紅旗人姓西林覺羅氏世居洪納

賞卹如例

河崇德八年以護軍校從大兵征明至山東攻濟陽城先登克之順治元年擊流賊於山海關陣亡

布顏岱

布顏岱滿洲鑲紅旗人姓博爾濟吉特氏先為吳魯特貝子

太祖初率所屬來歸授二等輕車都尉尚和碩公主為額駙以征喀喇沁善巴他布囊功陞二等男後緣事

降一等輕車都尉

太宗初授禮部承政兼蒙古都統大兵初征明率五人深入數遇敵皆奮戰却之入山海關時率兵擊敗流賊二十萬叙功加一雲騎尉至蘆溝橋率七人先馳擊敗賊兵甚衆順治二年從多羅豫郡王多鐸平定江南以創重卒于軍

賞卹如例

博託理

博託理滿洲鑲紅旗人姓佟佳氏世居加哈地方
順治二年十一月以護軍校隨平南將軍勒克德
渾征湖廣流賊一隻虎三年至荊州敗賊有功旋
於會同縣擊賊袁宗第歿於陣

恩賜雲騎尉世職

承襲詳見
世職表

讓喀

讓喀滿洲鑲紅旗人順治元年以佐領從睿親王
多爾袞進山海關擊流賊有功又隨葉臣平定山

西用紅衣礮攻太原城克之三年從揚威將軍豫親王多鐸征騰機思叙功授雲騎尉世襲尋隨副都統圖占征山東擊土寇於東昌府陣亡

恩賜騎都尉世職

永樂詳見世職表

阿囊阿

阿囊阿滿洲鑲紅旗人姓伊拉理氏世居蜚悠城地方任佐領順治元年隨和碩睿親王多爾袞進山海關擊敗流賊五月從征山西攻太原府城先

登克之三年隨和碩豫親王多鐸追蒙古騰機思
有功授雲騎尉世職四年隨副都統圖占駐防山
東擊土賊歿於陣五年

恩賜騎都尉世職

承襲詳見
世職表

班第

班第滿洲鑲紅旗人世居王佳以地為氏順治五
年從征叛鎮姜瓖於山西至大同戰歿

恩賜騎都尉世職

承襲詳見
世職表

愛

愛滿洲鑲紅旗人署前鋒校順治六年從大兵征
叛鎮姜瓖於大同力戰陣亡

賞卹如例

圖爾錫

圖爾錫滿洲正藍旗人姓何舍里氏世居葉赫初
任豫親王多鐸王府二等護衛順治元年從征山
東土賊戰歿

恩賜雲騎尉世職

永襲詳見
世職表

僧額德

僧額德滿洲正藍旗人姓嵩佳氏世居董鄂地方
順治元年隨都統覺羅巴哈納等往定山西至高
長坡遇偽蔡總兵率衆來拒力戰陣亡

恩賜雲騎尉世職

永襲詳見
世職表

色魯

色魯滿洲正藍旗人姓伊爾根覺羅氏世居覺爾

察地方任三等護衛順治二年從征南大將軍貝勒博洛征福建九月攻福建省城色魯越衆先登遂歿於陣

恩賜雲騎尉世職

承襲詳見世職表

折爾特

折爾特滿洲正藍旗人崇德六年從大兵征朝鮮中鎗傷手賞馬一匹委署叅領順治二年隨靖遠將軍英親王阿濟格征流寇至延安兩敗賊兵衆

勝追捕中創傷歿

賞卹如例

西特庫

西特庫滿洲正藍旗人姓扎拉理氏世居瓦爾喀地方

國初來歸由護軍叅領從大兵三圍錦州擊敗明經畧洪承疇三營步兵叙功授雲騎尉順治三年隨靖遠大將軍和碩肅親王豪格征四川十一月於

西充縣擊賊張獻忠力戰陣亡

恩賜騎都尉世職

永懷詳見
世職表

圖法

圖法滿洲正藍旗人姓嵩佳氏世居董鄂地方順
治五年九月以騎都尉兼叅領從定遠大將軍和
碩鄭親王濟爾哈朗征湖廣流賊李錦十月至山
東聞賊據曹縣遂移師往勦圖法奮勇擊賊中礮
歿於陣

恩賜雲騎尉世職

承襲詳見
世職表

五八十

五八十滿洲正藍旗人姓烏蘇氏世居巴彥喇地
方順治五年以護軍校隨護軍統領阿爾津征四
川流賊張獻忠餘黨陣亡

恩賜雲騎尉世職

承襲詳見
世職表

明靄

明靄滿洲正藍旗人姓瓜勒佳氏世居葉赫地方

順治六年七月以護軍從征西大將軍和碩巽親
王滿達海征山西叛鎮姜瓖攻朔州奮勇先登戰
歿于陣

恩賜雲騎尉世職

承襲詳見
世職表

卓納

卓納滿洲正藍旗人任閒散章京順治六年從征
西將軍巽親王滿達海征叛鎮姜瓖於大同中斃
歿

恩賜雲騎尉子赫達子襲後亦陣亡自有傳

西奇納

西奇納滿洲鑲藍旗人姓倉佳氏世居松阿里河
地方初襲兄噶布碩騎都尉職順治二年從都統
馬喇希破流賊滅福王平定河南江南屢立戰功
三年十一月隨都統覺善勦山東土賊乘夜往擊
奮勇力戰中箭陣亡

恩賜雲騎尉世職

永懷詳見
世職表

莽郭

莽郭滿洲鑲藍旗人姓尼拉氏世居葉赫順治元年四月隨和碩睿親王多爾袞入山海關擊流賊李自成力戰陣亡二年

恩賜佐領世職

承襲詳見旗分志

倭合納

倭合納滿洲鑲藍旗人姓他塔喇氏世居扎庫木地方初以戰功管佐領之半順治二年七月隨征

南大將軍多羅貝勒克德渾征流寇至湖廣常德府敗賊有功三年八月擊偽安國公劉長晉於武岡時賊踞木城拒敵不下倭合納奮勇爭先力戰而歿六年

恩賜雲騎尉世職

永聚詳見世職表

特爾禪

特爾禪滿洲鑲藍旗人姓索其爾氏世居長白山順治四年三月從大兵征流賊於湖廣力戰陣亡

恩賜雲騎尉世職

承襲詳見
世職表

肯特

肯特滿洲鑲藍旗人原任七品官順治五年從征

江西三擊賊兵大敗之進攻饒州城力戰歿於陣

恩賜雲騎尉承襲二次

恩給世襲七品官

五爾哈薩

五爾哈薩滿洲鑲藍旗人任六品典儀官順治六

年從征山西叛鎮姜瓖攻大同戰歿於陣

賞卹如例

碩倫

碩倫滿洲鑲藍旗人姓納喇氏世居哈達地方任
前鋒侍衛兼佐領順治六年正月從定西大將軍
和碩敬謹親王尼堪征山西叛鎮姜瓖四月攻左
衛力戰陣亡

恩賜雲騎尉世職

永樂詳見
世職表



欽定八旗通志卷二百十一

欽定四庫全書

史部

欽定八旗通志卷二百十二

欽定四庫全書

欽定八旗通志卷二百十二

人物志九十二

忠義傳四

滿洲八旗四
順治九年

至十八年共一百九人

巴什泰

巴什泰滿洲鑲黃旗人姓伊爾根覺羅氏圖魯什碩翁科洛巴圖魯次子也天聰八年襲父三等子世職任一等侍衛順治七年九年連遇

恩詔超加為一等伯是年蒙古侍衛索尼謀逆忌巴什泰

忠勇乃刺殺之

世祖章皇帝特恩超授一等侯世職

承襲詳見封爵表

達海

達海滿洲鑲黃旗人姓富察氏世居唐五包明安
木地方順治九年以護軍叅領隨征湖南擊賊將
孫可望中傷歿於陣

恩賜騎都尉兼一雲騎尉世職

承襲詳見世職表

吾庫

吾庫滿洲鑲黃旗人姓寧古塔氏世居寧古塔地方初襲雲騎尉順治十一年隨寧海大將軍宜爾德征浙江敗偽英毅伯阮思偽總制陳六御等有功本年十二月隨定遠大將軍世子濟度征福建海賊鄭成功十四年遇賊船艘環列福州之高齊境烏龍江吾庫率水師衝戰中傷歿

恩賜三等輕車都尉世職

承襲詳見世職表

吳沙

吳沙滿洲人原籍鑲紅旗改隸鑲黃旗姓鈕祜祿氏世居蘇克蘇許河之安圖地方追號開國功臣納爾察第三子也任護軍叅領順治元年從大兵破流賊二年隨豫親王多鐸攻潼關與鼐格巴圖魯穆成格噶爾哈圖等趨賊於山上連敗之大兵下江南追明福王至蕪湖又同碩克克高淳縣俱有功五年從征南大將軍譚泰征江西叛鎮金聲

桓敗其馬步兵七萬金聲桓王得仁率衆二萬來
犯濠塹吳沙偕護軍統領宜爾德等三戰皆敗之
賊大蹙其餘護軍統領敦拜往定袁州也賊兵千
餘依山為營吳沙同副都統吳喇禪擊敗其衆七
年叙功授雲騎尉世職九年正月

恩詔晉騎都尉十五年署前鋒統領從勦海賊攻廈門鄭
成功列船於城堡舉拒戰吳沙率頭隊前鋒奮擊
敗之奪其一艘斬賊兵甚衆進逼廈門中傷陣亡

康熙二年追加

恩賜一等輕車都尉世職

承襲詳見
世職表

色勒

色勒滿洲鑲黃旗人姓瓜勒佳氏世居蘇完地方
順治十四年以委署護軍校隨大兵征偽桂王時
荊州偽總兵田國欽黃世桂等欲降而憚賊衆不
敢發色勒隨護軍統領鄂諾等擊敗之遂降十五
年進攻雲南偽侯李成蛟率四總兵迎戰於涼水

井破之至雙河口偽晉王李定國率四侯二伯兵
萬餘來犯力戰陣亡

恩賜雲騎尉世職

承襲詳見
世職表

猛格

猛格滿洲鑲黃旗人順治十六年以馬甲隨征羅
刹國賊六月賊拒戰江濱猛格率同十人奮奪賊
船被創身歿

恩賜雲騎尉世職

承襲詳見
世職表

巴哈里

巴哈里滿洲鑲黃旗人姓費莫氏世居馬佳地方
初以驍騎校駐防江寧順治十六年於瓜州擊賊
鄭成功力戰陣亡

恩賜雲騎尉世職

承襲詳見
世職表

庫爾庫德

庫爾庫德滿洲鑲黃旗人姓兀扎喇氏世居薩哈
爾察任護軍校順治十六年從征雲南擊賊李定

國於陸噶歿於陣

恩賜雲騎尉世職

承襲詳見
世職表

額色

額色滿洲鑲黃旗人駐防江寧順治十六年以佐
領隨正藍旗協領胡伸布祿出征海寇鄭成功在
爪州力戰陣亡

賞卹如例

綏哈

綏哈包衣鑲黃旗人姓完顏氏世居完顏地方委
署護軍校初從護軍統領扯布副都統祖澤舜攻
浙江舟山偽總制陳六御偽英毅伯阮思叛賊張
洪德等率衆舟兵列海上拒戰時綏哈船在第二
隊繼頭隊之後隨副都統永清根忒等擊敗之順
治十六年隨平南將軍賴塔征福建海寇鄭成功
十七年五月攻廈門陣亡

恩賜雲騎尉世職

承襲詳見
世職表

納海

納海滿洲鑲黃旗人初任佐領順治十六年委署
叅領隨平南將軍賴塔等征福建海寇鄭成功十
七年五月攻廈門力戰陣亡

恩賜騎都尉世職

承襲詳見
世職表

濟三

濟三滿洲正黃旗人姓札庫塔氏初任佐領崇德
六年從大兵圍錦州破明經略洪承疇兵順治元

年從和碩豫親王多鐸破流賊平定河南至潼關
賊據山與我兵戰濟三率所屬兵敗之收兵時隨
都統恩格圖殿後賊突犯我軍者三皆敗之又同
李率泰吳巴海等招撫餘黨定二州五縣二年從
多羅貝勒博洛征浙江至杭州府招撫一府一州
七縣尋擢副都統率兵駐防蘇州賊黃蜚等潛約
城內賊夾擊我師濟三率本翼兵同吳巴海進擊
四戰俱敗之後敵兵復大至奮勇進擊遂中礮歿

於陣

恩賜騎都尉世職

承襲詳見
世職表

珠轍

珠轍滿洲正黃旗人姓舒穆祿氏世居庫爾喀地
方揚古利額駙同族順治十年十二月以驍騎校
隨寧南靖寇大將軍陳泰征湖廣十一年進擊木
城賊中礮陣亡

恩賜雲騎尉世職

承襲詳見
世職表

費揚武

費揚武滿洲正黃旗人姓瓜勒佳氏世居蘇完地方崇德七年以八品官從征明錦州松山北京山東等處並有功順治十一年從征廣東偽安西王李定國至電白縣賊將馬元董仲民王宏勛等來犯率衆拒敵力戰陣亡

恩賜雲騎尉世職

永襲許見世職表

宣爾格德

宣爾格德滿洲正黃旗人姓查庫塔氏世居噶哈爾弼漢英厄地方初管佐領事崇德五年

太宗文皇帝命薩穆曹海等征虎爾哈部落宣爾格德率

九十人助之攻克鐸陳河撒津二城斬五十餘人

順治元年授騎都尉世職擢工部理事官四年考

績加一雲騎尉五年江西總兵金聲桓叛隨征南

大將軍譚泰往討賊率兵七萬來拒同大軍奮擊

大敗之賊復連犯我正紅旗鑲黃旗汛地俱擊却

之至信豐縣敗偽充國公兵二萬於山嶺論功加
二等輕車都尉七年九年三遇

恩詔加至一等輕車都尉又一雲騎尉十二年從征偽秦
王孫可望於岔路口對敵陣亡

恩贈三等男世職

承襲詳見
封爵表

博爾和圖

博爾和圖滿洲正黃旗人姓瓜勒佳氏世居蘇完
地方初為親軍順治十一年十二月隨定遠大將

軍世子濟度征福建海賊鄭成功十二年兵至福
建海賊遠颺十三年攻海澄縣博爾和圖越衆先
登力戰歿於陣

恩賜護軍校

賞銀二百兩

永貴

永貴滿洲正黃旗人姓瓜勒佳氏世居蘇完地方
初襲二等輕車都尉順治十一年十二月從定遠

大將軍世子濟度征福建海寇鄭成功十四年正月
至福州聞賊船二百餘隻泊高齊境烏龍江永
貴率本旗舟師擊敗之旋聞賊圍羅源縣率師往
援力戰歿於陣

恩賜一等輕車都尉世職

承襲詳見
世職表

索丹

索丹滿洲正黃旗人姓納喇氏世居哈達地方於
順治十五年累官至前鋒侍衛隨征雲南貴州於

凉水井雙河口等處屢敗僞侯李成蛟賊李定國等兵積戰功加雲騎尉旋即創發身故

恩賜騎都尉世職

承襲詳見世職表

屯代

屯代滿洲正黃旗人姓查庫塔氏世居阿里村順治十五年隨安遠靖寇將軍多羅信郡王多尼征僞桂王於雲南十六年至騰越州遇敵戰歿

恩賜雲騎尉世職

承襲詳見世職表

曹丹

曹丹滿洲正黃旗人順治十五年以叅領從安遠靖寇將軍多羅信郡王多尼征偽桂王擊敗偽侯李成蛟於貴州之涼水井又敗偽晉王李定國於雙河口十六年進征雲南奪取鐵索橋復擊李定國於磨盤山鏖戰負重傷尋歿於軍依陣亡例議叙

恩賜雲騎尉世職

承襲詳見世職表

滿丕

滿丕滿洲正黃旗人姓覺羅氏世居葉赫順治六年以佐領隨征山西叛鎮姜瓖敗蔣都司於沁源十七年從征福建時賊首鄭成功統兵十萬餘犯洪義壩連敗之進至海澄中礮陣亡

恩賜雲騎尉世職

承襲詳見
世職表

機達禮

機達禮滿洲正黃旗人姓金氏世居朝鮮義州天

聰元年從兄新達理來歸隸包衣初任護軍校順
治十八年從安南將軍內大臣達素征福建海寇
至廈門涉水逆戰敗之又登岸擊陸路賊兵力戰
陣亡

恩賜雲騎尉世職

承襲詳見
世職表

代牧

代牧滿洲正黃旗人順治十八年從安南將軍內
大臣達素征福建海寇鄭成功戰歿

恩賜雲騎尉世職

承襲詳見
世職表

海住

海住滿洲正白旗人姓孟氏世居葉赫地方任前
鋒校順治九年七月隨定遠大將軍敬謹親王尼
堪征湖南流寇張獻忠餘孽偽秦王孫可望十一
月至衡州府力戰陣亡

賞卹如例

達爾布

達爾布滿洲正白旗人任護軍叅領順治九年七月從定遠大將軍敬謹親王尼堪征流賊張獻忠餘孽偽秦王孫可望十一月至湖南衡州府遇賊奮勇拒戰中礮歿於陣

賞卹如例

瑪祿

瑪祿滿洲正白旗人姓納喇氏世居葉赫地方順治九年七月隨定遠大將軍和碩敬謹親王尼堪

征湖南流賊張獻忠餘孽偽秦王孫可望十一月
在衡州府遇敵力戰歿於陣

恩賜騎都尉世職

承襲詳見
世職表

法克

法克滿洲正白旗人姓舒舒覺羅氏世居胡魯村
順治九年十一月以閒散隨定遠大將軍和碩敬
謹親王尼堪征湖廣攻偽秦王孫可望于衡州陣
亡

恩賜雲騎尉世職

承襲詳見
世職表

尼堪

尼堪滿洲正白旗人姓張佳氏世居瓜勒察地方
初以雲騎尉世職管叅領事順治十二年隨征貴
州在魯噶地方與偽晉王李定國戰被重傷卒

賞銀七百兩

傳納

傳納滿洲正白旗人任驍騎校順治十二年隨寧

海將軍宜爾德征浙江擊偽英毅伯阮思偽將陳
六御等於舟山力戰陣亡

恩賜雲騎尉世職

承襲詳見
世職表

哈爾巴

哈爾巴滿洲正白旗人姓伊爾根覺羅氏世居雅
爾虎地方順治三年以護軍校從和碩豫親王多
鐸往追騰機思同巴顏擊碩羅汗兵敗之五年從
征南大將軍譚泰征江西叛鎮金聲桓以雲梯攻

欽定四庫全書

卷一百一十二

九江府首先登城克之

賜名巴圖魯授三等輕車都尉三遇

恩詔晉一等輕車都尉十一年十二月從定遠大將軍世

子濟度征福建海賊鄭成功統兵十萬餘奪我紅

衣礮奮擊連敗之十三年攻海澄縣歿於陣加

恩賜一雲騎尉世職

承襲詳見
世職表

海魯渾

海魯渾滿洲正白旗人姓佟佳氏世居馬察地方

任護軍校順治十一年從寧海大將軍宜爾德征
浙江舟山擊偽英毅伯阮思偽總制陳六御並敗
之授雲騎尉從定遠大將軍世子濟度征福建海
寇鄭成功十四年進取漳浦海島內銅山所值風
作難渡賊衆突犯海魯渾力戰陣亡康熙二年議
卹加

恩賜騎都尉仍兼一雲騎尉世職

承襲詳見
世職表

圖納

圖納滿洲正白旗人姓托活洛氏世居虎爾哈地
方順治元年隨和碩豫親王多鐸南征追流賊至
潼關賊自山上迎戰同雅賴破之又從都統公圖
賴攻賊於山上賊衆乘夜來犯我營復擊敗之二
年同雅賴等攻克揚州府城五月隨多羅貝勒博
洛趨杭州同鄂碩費揚古敗偽大學士馬士英兵
於城外又同勞罕擊偽楊軍門于蘇州府生獲十
二人攻松江府城不下用雲梯先登克之三年叙

功授騎都尉任護軍統領七年九年遇

恩詔加為二等輕車都尉十六年從安遠靖寇大將軍多

羅信郡王多尼征偽桂王至雲南鎮南州敗偽將

軍白文選兵於玉龍關二月十六日同前鋒統領

白爾黑圖於磨盤山擊李定國伏兵陣亡

賞葬銀八百兩

齋三

齋三滿洲正白旗人姓瓜勒佳氏世居訥殷地方

初襲父嘉泰二等輕車都尉順治十六年從安南將軍內大臣達素征福建海賊鄭成功十七年至廈門蓋峙山賊列水師六百餘艘拒敵齋三力戰陣亡加

恩賜一等輕車都尉世職

承襲詳見世職表

索博多

索博多滿洲正白旗人姓富察氏世居蜚悠城地方初任佐領復以功授雲騎尉三遇

恩詔加騎都尉順治十五年隨將軍巴三勦海寇至松江
距崑山城二十里生擒賊將一人十六年海賊鄭
成功親統其衆犯瓜州索博多奮勇力戰陣亡加

恩賜一雲騎尉世職

承襲詳見
世職表

達度護

達度護滿洲正白旗人初任護軍校駐防湖廣荊
州時瀘溪縣賊王嘉郭甲作亂同前鋒叅領濟哈
里等擊敗之順治十六年從安南將軍內大臣達

素征福建海賊鄭成功十七年攻廈門同前鋒侍衛阿思哈等擊敗賊衆旋攻蓋峙山力戰陣亡

恩賜雲騎尉世職

承襲詳見世職表

瑚星阿

瑚星阿滿洲正白旗人姓他塔喇氏世居扎庫木地方順治十六年由前鋒校隨安南將軍內大臣達素都統索渾征福建海寇鄭成功十七年至廈門與前鋒叅領噶布喇擊敗賊船六百艘旋至蓋

峙山遇賊力戰陣亡

恩賜雲騎尉世職

承襲詳見世職表

穆雅納

穆雅納滿洲正白旗人順治十七年以護軍校從

安南將軍內大臣達素出征福建海寇至同安縣

地方與賊力戰陣亡

賞卹如例

巴蘭

巴蘭滿洲正白旗包衣人姓富察氏世居蘇完地方順治十六年以護軍校隨安南將軍內大臣達素征福建海寇鄭成功十七年五月至廈門與賊力戰歿於陣

恩賜雲騎尉世職

承襲詳見世職表

鄂爾布

鄂爾布滿洲正白旗人姓噶努氏世居噶碩克村崇德九年以前鋒校隨大兵征明錦州屢立戰功

順治十六年從安南將軍內大臣達素征福建海賊鄭成功十七年至廈門與賊兵戰敗之獲偽印一顆旋往蓋峙山奮勇擊敵遂歿於陣

恩賜雲騎尉世職

承襲詳見世職表

額赫穆庫

額赫穆庫滿洲正白旗人姓瓜勒佳氏世居烏喇地方順治十七年以二等護衛隨安南將軍宗室羅託征海寇鄭成功至福建攻廈門陣亡

恩賜雲騎尉世職

承襲詳見
世職表

蔭德禮

蔭德禮滿洲正白旗人初任六品官充護軍校順

治十七年從安南將軍宗室羅託征福建海寇鄭

成功攻厦門歿於陣

恩賜雲騎尉世職

承襲詳見
世職表

海通阿

海通阿滿洲正白旗人姓卜雅齊氏世居哈達地

方順治十六年隨安南將軍內大臣達素征海寇
鄭成功十七年五月至福建廈門與賊力戰陣亡

尋議卹

恩賜雲騎尉世職

承襲詳見
世職表

五爾護

五爾護滿洲正白旗人姓唐古氏世居哈達署驍
騎校順治十七年隨定遠將軍世子濟度征福建
海賊鄭成功至蓋峙山擊賊陣亡

恩賜雲騎尉世職

承襲詳見
世職表

多羅星阿

多羅星阿滿洲正白旗人姓瓜勒佳氏世居長白山地方初任護軍叅領順治十六年隨安南將軍內大臣達素征海寇鄭成功十七年五月至福建攻廈門與賊力戰陣亡

恩賜騎都尉世職

承襲詳見
世職表

尼什哈

尼什哈滿洲正白旗人順治十八年以護軍叅領從安南將軍內大臣達素征福建海賊至廈門督舡前進首先登岸奮勇追擊遂歿於陣

賞卹如例

鄂滿

鄂滿滿洲正白旗人姓佟佳氏世居扎庫木地方順治十八年由親軍校委署叅領隨安南將軍內大臣達素征福建海寇至廈門奮勇前進越八旗

兵船先登陸地追殺甚衆身被重傷遂亡於陣

恩賜騎都尉世職

承襲詳見
世職表

阿納海

阿納海滿洲正紅旗人姓佟佳氏世居瓜爾佳地
方初襲父代松阿佐領兼一雲騎尉世職管叅領
事順治元年隨定國大將軍和碩豫親王多鐸征
流寇由九江富池口乘舟追擊獲賊舡一艘抵九
江府敗賊水師獲船二十艘三年隨靖遠大將軍

和碩肅親王豪格征四川令守計都關賊兵二千
餘來犯率所部兵步戰敗之賊既遁護軍統領鰲
拜令追賊追及敗之又隨大兵擊賊八大王張獻
忠兵敗其一隊並敗其來援之兵師至洛渚偽總
兵何某偽總督范某以兵二千渡江來犯又擊敗
之六年隨大兵征叛鎮姜瓖圍大同敗敵二次賊
以馬步軍持梯牌來薄我營隨都統噶達渾與賊
鏖戰賊不能勝往侵正藍鑲藍二旗汎地追擊却

之七年九年三遇

恩詔加至一等輕車都尉十八年隨征東將軍季什哈敗
山東賊首喬玉季兵於連山賊夜劫我營奮力拒
敵射殺賊五人身中三十二創遂歿於陣

賜祭葬如例

恩贈三等男世職

承襲詳見
封爵表

五達闡

五達闡滿洲正紅旗人姓葛濟勒氏世居綏分地

方順治十一年十二月以三等輕車都尉隨定遠
大將軍世子濟度征福建擊海賊鄭成功有功破
其舟偽總兵黃常護明侯林思提督吳正等復引
舟師來犯敗之於敖斗十四年進取漳浦縣海島
內銅山所值風作難渡賊衆突犯五達闡力戰陣
亡康熙二年加

恩賜二等輕車都尉世職

承襲詳見
世職表

訥勒

訥勒滿洲正紅旗人姓鈕祜祿氏世居英額地方
順治十五年以護軍校從安遠靖寇大將軍多羅
信郡王多尼征偽桂王至雲南十六年擊偽晉王
李定國等於磨盤山力戰陣亡

恩賜雲騎尉世職

承襲詳見
世職表

噶來

噶來滿洲正紅旗人順治十六年隨安南將軍內
大臣達素征福建海賊鄭成功賊列巨艘踞臺灣

拒戰噶來奮身躍入賊船戰歿

恩賜雲騎尉世職

承襲詳見
世職表

噶賴

噶賴滿洲正紅旗人姓薩爾圖氏世居扎魯特地方後遷居葉赫地方

國初來歸順治十六年由三等侍衛從安南將軍內大臣達素征福建擊海寇鄭成功十七年五月至廈門陣亡

恩賜雲騎尉世職

承襲詳見
世職表

鄂邁

鄂邁滿洲正紅旗人姓納喇氏世居葉赫地方順
治十六年以二等護衛隨安南將軍內大臣達素
征福建海賊鄭成功十七年五月在廈門力戰陣
亡

恩賜雲騎尉世職

承襲詳見
世職表

達爾馬

達爾馬滿洲正紅旗人任三等護衛順治十七年
隨安南將軍內大臣達素征福建海寇鄭成功至

廈門戰歿

恩賜雲騎尉世職

承襲詳見
世職表

達蘭

達蘭滿洲正紅旗人姓吹霍克親氏世居察哈爾
任三等護衛順治十七年五月隨安南將軍內大
臣達素征海寇鄭成功於廈門力戰陣亡

恩賜雲騎尉世職

承襲詳見
世職表

鄂善

鄂善滿洲正紅旗人姓富察氏世居訥殷地方初
任護軍校尋陞三等侍衛陞任長史順治十六年
七月隨安南將軍內大臣達素征討福建海賊十
七年五月於廈門擊賊陣亡

恩賜騎都尉世職胞姪隋和葉成格亦隨征福建均歿於
陣

薩音達理

薩音達理滿洲正紅旗人姓鄂托氏世居赫圖阿
拉地方順治十七年以佐領從征鄂羅斯部賊以
舟師據烏喇崖薩音達理偕佐領馬喇往擊被圍
戰歿康熙五年

恩賜雲騎尉世職

承襲詳見
世職表

尚吉圖

尚吉圖滿洲正紅旗人姓納蘭氏世居尼馬察順

治十五年以叅領隨署護軍統領胡葉征雲南擊
偽侯李成蛟於涼水井復擊偽晉王李定國於盧
噶均著勞績十八年從征山東土寇戰亡於陣康
熙三年

恩賜雲騎尉世職

承襲詳見
世職表

海色

海色滿洲正紅旗人姓赫舍里氏世居和多穆哈
連地方順治十八年以三等護衛隨安南將軍內

大臣達素征福建海賊攻廈門歿於陣康熙二年

恩賜雲騎尉世職

承襲詳見世職表

莫洛洪

莫洛洪滿洲正紅旗人姓納喇氏世居尼馬察地方順治十八年以護軍校從安南將軍內大臣達素征福建海寇攻廈門力戰歿於陣康熙二年

恩賜雲騎尉世職

承襲詳見世職表

額色

額色滿洲鑲白旗人姓納喇氏世居葉赫地方崇
德三年從大兵征明乘夜用雲梯襲攻吳橋縣繼
偏珠以第二人登城四年議叙授雲騎尉六年圍
明錦州擊松山馬步兵敗之順治二年從定國大
將軍豫親王多鐸南征平定淮安敗敵兵於黃淮
間偽軍門田仰率兵八千餘駐三里橋同副都統
譚布進擊敗賊於海安又同叅領俄奇爾納林屢
敗田仰兵於湖口橋進至如皋縣同副都統康喀

爾敗賊五千餘有偽副將率馬兵三千駐鶯台山
島即同叅領格爾圖往擊敗之尋從征福建擊敗
黃總兵五年從征江西叛鎮金聲桓遇郭總兵兵
三千同署叅領根特巴圖魯連敗之賊渠王得仁
率馬步兵七千來犯同署叅領阿玉璽擊却其衆
三遇

恩詔加為二等輕車都尉世襲罔替九年七月從定遠大
將軍和碩敬謹親王尼堪征湖南流賊張獻忠餘

孽偽秦王孫可望十一月至衡州府擊賊陣亡加

恩賜一等輕車都尉世職

承襲詳見世職表

肅丹

肅丹滿洲鑲白旗人姓瓜勒佳氏世居蘇完地方
任護軍叅領順治九年七月隨定遠大將軍敬謹
親王尼堪征湖南流賊張獻忠餘孽偽秦王孫可
望十一月擊賊於衡州府陣亡

恩賜雲騎尉世職

承襲詳見世職表

果渾

果渾滿洲鑲白旗人姓党佳氏世居杭佳地方順治九年七月以護軍校從定遠大將軍敬謹親王尼堪征湖南流賊張獻忠餘孽偽秦王孫可望十一月在衡州府擊賊陣亡

恩賜雲騎尉世職

承襲詳見世職表

喀爾他喇

喀爾他喇滿洲鑲白旗人姓章佳氏世居蜚雅朗

阿地方父圖爾渾歡詹

太祖高皇帝時率百餘戶來歸以其衆編佐領使統之喀爾他喇其第四子也襲佐領遷護軍叅領崇德三年隨和碩豫親王多鐸征明於邊外擊明哨卒生擒六人入邊擊明總兵馬某軍敗之又同俄羅斯臣敗明渾河步兵師還遇明兵駐山上又擊敗之順治元年隨和碩睿親王多爾袞入山海關擊流賊有功隨平山西同都統覺羅巴哈納至河南懷

慶府遇賊兵敗之又同至榆林擊流賊於黃河渡
口又隨護軍統領鰲拜巴圖魯攻承天府拔之又
同葉什席特庫率舟師追賊多所斬獲三年叙功
加雲騎尉五年從征南大將軍譚泰征江西叛鎮
金聲桓至童子渡賊兵據水為陣遂擊敗之又同
穆里瑪敗賊於饒州府同巴朗吳孫敗賊三副將
兵大兵遂薄南昌立雲梯攻之喀爾他喇分守東
江屢敗其運糧兵又進攻饒州府拔其城後兩遇

恩詔加至一等輕車都尉尋任護軍統領十年從征湖南

至衡州府擊賊歿於陣

恩賜三等男世職

承襲詳見
封爵表

予祭葬謚忠壯立碑於墓

巴薩禮

巴薩禮滿洲鑲白旗人姓瓜勒佳氏世居烏蜚宜
地方初任佐領天聰七年同艾松古率護軍十人
設哨遇明卒四人殺三人擒一人以獻

太宗文皇帝以所獲馬匹賞之順治十一年隨寧遠大將軍宜爾德征浙江至舟山擊偽總制陳六御有功尋駐防江寧十六年海寇鄭成功率兵來犯戰歿於陣

恩賜騎都尉世職

承襲詳見世職表

海拉布

海拉布滿洲鑲白旗人姓賽密勒氏世居黑龍江任三等輕車都尉從征湖南敗賊孫可望於岔路

口順治十二年隨寧海將軍宜爾德征浙江擊偽英毅伯阮思等兵於舟山陣亡

恩賜二等輕車都尉世職

承襲詳見世職表

薩來

薩來滿洲鑲白旗人姓兀扎喇氏世居薩哈連烏喇地方由二等輕車都尉兼叅領順治十三年正月隨征湖廣剿賊孫可望討擊蔣景正俱有功進攻偽將李之鳳尋遇偽總兵蕭福成等乘船二百

餘艘拒戰薩來爭先衝擊陣亡

恩賜一等輕車都尉世職

承襲詳見世職表

滿闡

滿闡滿洲鑲白旗人姓納喇氏世居松花江任二等侍衛順治十一年十二月從定遠大將軍世子濟度征福建海賊鄭成功十四年進取漳浦縣海島內銅山所值風作難渡賊衆突犯我營滿闡奮勇衝擊陣亡

恩賜雲騎尉世職

承襲詳見
世職表

簡泰

簡泰滿洲鑲白旗人姓托立氏順治十五年隨安
遠靖寇將軍多羅信郡王多尼往征雲南擊偽侯
李成蛟於涼水井擊偽晉王李定國于雙河口並
敗之進攻魯岡奮勇擊敵中鎗歿

恩賜雲騎尉世職

承襲詳見
世職表

猛格圖

猛格圖滿洲鑲白旗人世襲佐領順治五年從征
叛鎮金聲桓於江西四戰皆捷遇

恩詔加至二等輕車都尉十六年八月隨安南將軍都統
明安達理駐守荊州聞海寇鄭成功犯江寧督師
往援與偽都督楊文英戰歿於陣

賜祭葬

噶布喇

噶布喇滿洲鑲白旗人姓富察氏世居額宜湖地

方順治六年從征大同叛鎮姜瓖賊兵犯我汛地
兩戰皆敗之乘勝抵汾州府至進士鎮奮擊敵軍
並有功加授騎都尉是年隨都統噶達洪征鄂爾
多斯擊多爾濟席圖穆二營兵盡殲之尋駐防荆
州在瀘溪遇賊郭甲王嘉伏兵二千率所部士卒
敗其衆十七年從安南將軍內大臣達素征福建
攻廈門海寇鄭成功列戰艦六百餘艘於海上拒
敵擊敗之復追賊至蓋峙山力戰歿於陣

恩賜二等輕車都尉世職

承襲詳見世職表

希岱

希岱滿洲鑲白旗人順治十七年由護軍校隨大兵征福建海寇鄭成功攻廈門力戰陣亡

恩賜雲騎尉世職

承襲詳見世職表

佟濟

佟濟滿洲鑲白旗人世居訥音初襲官佐領從大兵征明克錦州松山後隨睿親王多爾袞入山海

關定北京有功順治十五年擢前鋒叅領十七年
從征福建攻廈門海賊鄭成功列戰艦六百餘艘
拒戰佟濟暨官兵擊敗之斬偽叅將林登奪其戰
艦獲偽印一旋奉令往蓋峙山遇賊奮殺歿於陣
恩賜騎都尉次子穆什欣承襲以孫福敏官追贈光祿大
夫太子少保大學士

尚機圖

尚機圖滿洲鑲白旗人姓瓜勒佳氏世居蘇完地

方任護軍校駐防荊州擊賊郭甲王嘉於瀘溪敗
之順治十七年從征福建海賊鄭成功至廈門戰
歿

恩賜雲騎尉世職

承襲詳見
世職表

赫虎

赫虎滿洲鑲白旗人姓章佳氏世居蜚雅朗阿地
方順治十六年以一等護衛從安南將軍內大臣
達素征福建海賊鄭成功十七年五月攻廈門力

戰歿於陣

恩賜雲騎尉世職

承襲詳見
世職表

納青

納青滿洲鑲白旗人姓納喇氏世居葉赫地方順
治十六年以三等護衛從安南將軍內大臣達素
征福建擊海寇鄭成功十七年五月至廈門力戰
歿於陣

恩賜雲騎尉世職

承襲詳見
世職表

程尼

程尼滿洲鑲紅旗人父羅沙官至三等子征明陣
亡自有傳程尼襲父職三遇

恩詔晉封一等伯任議政大臣順治九年隨定遠大將軍
和碩敬謹親王尼堪往湖廣征偽秦王孫可望等
戰於衡山縣歿於陣由一等伯贈加一雲騎尉以
其叔父羅璧襲十二年九月

賜祭葬謚誠介立碑於墓碑文稱其承襲父職弗替家聲

為議政大臣小心匪懈克稱厥任迨征湖廣禦敵從
王捐軀報國可謂始終盡瘁特勒貞琰以光泉壤云

恩賜三等子世職

承襲詳見
封爵表

沙布

沙布滿洲鑲紅旗人姓那木都魯氏世居輝發地
方順治九年七月以王府頭等護衛從定遠大將
軍和碩敬謹親王尼堪征流賊張獻忠餘孽偽秦
王孫可望十一月至湖南衡州府擊賊歿於陣

賞卹如例

慕蘭

慕蘭滿洲鑲紅旗人姓董鄂氏世居董鄂地方順治九年七月以王府三等護衛從定遠大將軍和碩敬謹親王尼堪征流賊張獻忠餘孽偽秦王孫可望十一月至湖南衡州府與賊力戰陣亡

賞卹如例

都貝

都貝滿洲鑲紅旗人世居性佳地方以地為氏任護軍
叅領署護軍統領順治九年七月從定遠大將軍敬謹
親王尼堪征湖南流賊張獻忠餘孽偽秦王孫可望十
一月至衡州府率右翼兵敗賊將陶陽鳳兵於草橋又
擊賊帥胡一清兵於衡州府之前山力戰歿於陣

恩賜雲騎尉世職

諭祭一次

回色

回色滿洲鑲紅旗人姓吳扎庫氏世居噶哈里地方順治九年七月以頭等侍衛隨定遠大將軍和碩敬謹親王尼堪征湖南流賊張獻忠餘孽偽秦王孫可望十一月至衡州府與賊兵力戰歿於陣

賞卹如例

喀喇

喀喇滿洲鑲紅旗人姓伊爾根覺羅氏世居輝發地方由頭等侍衛於順治九年七月隨定遠大將

軍和碩敬謹親王尼堪征湖南流賊張獻忠餘孽
偽秦王孫可望十一月與賊戰於衡州府陣亡

賞卹如例

沙克習

沙克習滿洲鑲紅旗人姓瓜勒佳氏世居安楚拉
庫多爾濟河地方順治十二年以護軍校隨寧海
大將軍都統宜爾德往浙江征舟山擊偽英毅伯
阮思兵歿於陣

恩賜雲騎尉世職

承襲詳見
世職表

孫塔

孫塔滿洲鑲紅旗人姓董鄂氏世居董鄂地方順
治十五年以護軍校從征偽桂王至貴州敗偽帥
李成蛟於涼水井十六年在雲南磨盤山擊偽晉
王李定國歿於陣

恩賜雲騎尉世職

承襲詳見
世職表

安塔錫

安塔錫滿洲鑲紅旗人順治十七年以署護軍校
從大兵征福建海賊鄭成功至廈門同統領額爾
德赫擒獲賊舡中礮陣亡康熙二年

恩賜騎都尉世職

承襲詳見
世職表

鄂爾吉納

鄂爾吉納滿洲鑲紅旗人姓伊爾根覺羅氏世居
玉鍾浦地方順治十六年以前鋒侍衛從安南將
軍內大臣達素征海寇鄭成功十七年五月至福

建廈門擊賊歿於陣

恩賜雲騎尉世職

承襲詳見
世職表

喜佛

喜佛滿洲鑲紅旗人姓納喇氏世居伊巴旦地方
以佐領委署叅領順治十八年從安南將軍內大
臣達素征福建海賊於廈門屢立戰功偽將軍劉
國軒率賊萬衆犯海澄縣喜佛力戰陣亡

恩賜雲騎尉世職

承襲詳見
世職表

彰庫善

彰庫善滿洲正藍旗人姓烏蘇氏世居海蘭地方
順治九年七月以護軍校從定遠大將軍敬謹親
王尼堪征流賊張獻忠餘孽偽秦王孫可望十一
月至湖南衡州府遇賊戰歿

恩賜雲騎尉世職

承襲詳見
世職表

莫勒洪

莫勒洪滿洲正藍旗人姓朱佳氏世居齊發地方

順治九年七月以驍騎校從定遠大將軍敬謹親王尼堪征流賊張獻忠餘孽偽秦王孫可望十一月至湖南衡州府與賊兵力戰歿於陣

恩賜雲騎尉世職

承襲詳見世職表

雅思哈

雅思哈滿洲正藍旗人姓西林覺羅氏世居汪泰地方順治九年由護軍校從征湖廣至常德擊敗賊將盧明臣等兵二萬餘衆十二年從征貴州擊

賊李定國奮力衝突歿於陣

恩賜雲騎尉世職

承襲詳見
世職表

薩爾泰

薩爾泰滿洲正藍旗人姓溫都氏世居訥殷江地
方崇德七年前鋒隨睿親王多爾袞攻錦州明
洪軍門率衆自松山來犯迎擊敗之又隨豫親王
多鐸追敵有功授雲騎尉又隨饒餘郡王阿巴泰
征山東初出境即擊明兵敗之殺敵巡哨兵數人

順治元年隨豫親王多鐸南征六年任江寧佐領
從征南大將軍譚泰征江西叛鎮金聲桓擊偽吳
總督兵於九江府敗之又敗賊兵於南昌府以火
礮攻南昌府城賊首金聲桓王得仁率馬步兵七
萬出戰擊敗之後隨征贛州有賊二千餘據險拒
戰又擊敗之十三年從征湖南敗賊兵於沙路口
尋駐防江寧府十六年海賊鄭成功犯瓜州率師
往擊戰歿

恩賜騎都尉世職

承襲詳見
世職表

赫達子

赫達子滿洲正藍旗人初襲父卓內世職任雲騎尉順治十六年從安南將軍內大臣達素征福建海賊鄭成功力戰歿於陣

恩賜騎都尉世職

承襲詳見
世職表

董安

董安滿洲正藍旗人順治十六年以空銜前鋒侍

衛從安南將軍內大臣達素征福建海賊鄭成功
由廈門進攻蓋峙山力戰陣亡

賞卹如例

納瑪爾岱

納瑪爾岱滿洲正藍旗人姓兀扎喇氏世居薩哈
連烏喇地方順治十六年以護軍校委署章京從
安南將軍內大臣達素征福建海寇鄭成功十七
年五月與賊戰於廈門陣亡

恩賜騎都尉世職

承襲詳見
世職表

嵩伊納

嵩伊納滿洲正藍旗人姓伊爾根覺羅氏世居呼
訥赫地方順治十六年以三等護衛從安南將軍
內大臣達素征福建海寇十七年五月與賊帥郭
信戰於廈門陣亡

恩賜雲騎尉世職

承襲詳見
世職表

穆舒

穆舒滿洲正藍旗人姓赫舍里氏世居葉赫地方
任貝勒察尼長史從貝勒征福建海寇鄭成功順
治十七年五月在廈門陣亡

恩賜雲騎尉世職

承襲詳見
世職表

哈尼

哈尼滿洲正藍旗人姓伊拉喇氏世居瓦爾喀任
驍騎校順治十七年從安南將軍內大臣達素征
福建海寇鄭成功戰於廈門陣亡

恩賜雲騎尉世職

承襲詳見
世職表

阿里善

阿里善滿洲正藍旗人姓扎拉理氏世居瓦爾喀
地方任護軍校順治十六年從安南將軍內大臣
達素征福建海寇鄭成功十七年五月在廈門奮
勇擊賊戰歿

恩賜雲騎尉世職

承襲詳見
世職表

胡伸布祿

胡伸布祿滿洲正藍旗人姓吳雅氏世居哈達父
瑚琛布率所部來歸天聰五年胡伸布祿與薩穆
哈圖從大兵征明攻遵化克其城授雲騎尉順治
元年從睿親王多爾袞入山海關擊流寇又從都
統葉臣等進取山西敗賊於太原並力戰有功二
年從英親王阿濟格追剿流寇由湖廣沿江東下
至九江斬馘甚多晉騎都尉世職三年從征騰機
思擊土謝圖汗及碩羅汗等兵敗之五年從征江

西叛鎮金聲桓十一年從征浙江舟山海寇累功
至一等輕車都尉兼一雲騎尉十七年以協領駐
防江寧海寇鄭成功入犯與將軍喀喀木迎擊之
力戰歿於陣賊平

恩贈三等男世職以其子愛音查襲愛音查亦陣亡
恩贈二等男自有傳

貝屯

貝屯滿洲正藍旗人姓兀扎喇氏世居薩哈連烏

喇任王府典儀順治十六年從安南將軍內大臣
達素征福建海寇鄭成功十七年五月攻廈門力
戰陣亡

恩賜雲騎尉世職

承襲詳見
世職表

瑪喇奇

瑪喇奇滿洲正藍旗人姓他塔喇氏世居扎庫木
地方任護軍校在瀘溪縣擊賊有功順治十六年
從安南將軍內大臣達素征福建海寇鄭成功十

欽定四庫全書

金史八十八卷
卷二百十二

七年五月在廈門戰歿

恩賜雲騎尉世職

承襲詳見
世職表

滿都護

滿都護滿洲正藍旗人姓扎拉里氏世居瓦爾喀
地方順治十六年以佐領從安南將軍內大臣達
素擊福建海寇鄭成功十七年五月攻廈門力戰
陣亡

恩賜騎都尉世職

承襲詳見
世職表

靈圖

靈圖滿洲正藍旗人姓納喇氏世居輝發地方任
長史順治十八年隨安南將軍內大臣達素征福
建海賊於廈門陣亡

恩賜騎都尉世職

承襲詳見
世職表

莽儀祿

莽儀祿滿洲鑲藍旗人姓薩克達氏世居烏喇地
方由三等輕車都尉於順治九年七月隨定遠大

將軍和碩敬謹親王尼堪往征湖南流賊張獻忠
餘孽偽秦王孫可望十一月在衡州府力戰歿於
陣

恩賜二等輕車都尉世職

承襲詳見
世職表

韶瞻

韶瞻滿洲鑲藍旗人姓納喇氏世居葉赫地方

國初來歸順治九年七月由護軍校從定遠大將軍
敬謹親王尼堪征湖南流賊張獻忠餘孽偽秦王

孫可望十一月至衡州府擊賊陣亡

恩賜雲騎尉世職

承襲詳見
世職表

音達胡齊

音達胡齊滿洲鑲藍旗人姓赫舍里氏世居齋古
地方由驍騎校於順治九年七月從定遠大將軍
敬謹親王尼堪征湖南流賊張獻忠餘孽偽秦王
孫可望十一月至衡州府奮勇擊賊陣亡

賞卹如例

瑪欣

瑪欣滿洲鑲藍旗人姓薩克達氏世居烏喇初襲

父邁錫克雲騎尉世職三遇

恩詔加至三等輕車都尉順治九年從征湖南至衡州府

擊賊陣亡

恩賜一等輕車都尉世職

承襲詳見世職表

錦住

錦住滿洲鑲藍旗人姓舒魯氏世居科爾沁地方

龔兄三等輕車都尉順治十一年十二月從定遠
大將軍世子濟度征福建海賊鄭成功十四年進
取漳浦縣海島內銅山所值風作難渡賊衆突犯
錦住奮勇衝擊陣亡

恩賜二等輕車都尉世職

承龔詳見
世職表


金州

金州滿洲鑲藍旗人龔父石圖佐領世職順治十
七年隨安南將軍達素征海寇鄭成功於福建力

戰陣亡

恩賜二等輕車都尉世職

承襲詳見
世職表



欽定八旗通志卷二百十二